

que Spiritus effēratos reprimit; ab excursibus & exorbitantiis retrō cogit; in ordines compellit; & ne motus convulsivos concipiant, impedit.

Oleum Acovisticum.

℞. Ol. Amygd. amar. ʒj. Ol. Nuc. Mosc. Cymini, Majoranæ, Petrolei ā gut. iv. Zibethi gr. ij. m. lisdem gaudet virtutibus ac Mist. Acovistica.

Oleum Cephalicum.

℞. Bals. Peruv. ʒj. Ol. Rorifmar. Salv. Majoranæ, Nuc. Mosc. ā gut. iv. Camph. ʒss. m.

Externē usurpatum calefacit, dissipat, & roborat: Usui est ad Capitis (præsertim Pericranii) Affectus frigidos, & Catarrosos.

Oleum ad Contusiones.

℞. Ol. Lauri ʒiij. Ol. Sassaaph. Chym. Spir. Vini rectif. ā ʒj. Camph. ʒss. m.

In Contusionibus, Fibræ partis licet non dirumpantur, læduntur tamen, rigidæ, & compressæ fiunt, confusâ serie intricantur, & fucorum transitui non satis patefcunt, ac idcirco thromborum, & humorum aggestioni, tumori, inflammationi, & dolori occasionem ministrant: Hujusmodi verò tunc illinitiones fibras illas denudò relaxant, lubricant, in ordines directos reducunt apertas & tranabiles faciunt; insuper coagulationes dissolvunt, materiam aggestam discutunt, & circulationi reddunt.

Notandum verò quòd si Pars excipiens sit mollis, & tono imbecillis; materiaque; copiosè affluit; Repellentia tunc magis ex usu sunt. Ubi autem affluxio est lenta & parca; Aggestio in parte jam figitur; & tensio adest magna; in isto casu Relaxantia, & Dissipantia rectius adhibentur.

Oleum Paralyticum.

℞. Ol. Succini, Saffaph. ā ʒj. Ol. Rorifmar.
Piperis añ ʒj. m.

Cum valida fricōne usurpatur ad partem primario affectam; nequaquam verò ad secundario patientem.

Partis autem affectæ dignotio ex Anatome desumitur, in qua Nervorum Origines & insertiones docentur.

Si enim pars Faciei dextra vel sinistra resolvatur, reliquis partibus illæsis; Cerebrum tantum afficitur, secundum eam partem à qua Nervi ad partes eas deferuntur.

Si verò partes Capiti subjectæ, una cum Facie, lædantur; Spina Dorsi & Cerebrum afficiuntur.

Et si partes subjectæ lædantur, Facie illæsâ; in sola Spina vitium consistit.

Et quidem in principio illius, si omnes simul lædantur: Si verò dimidia pars Corporis paralytica sit, demidia, tantum Spinæ portio obsidetur. Cruribus resolutis, affectio est circa finem Spinalis Medullæ juxta Vertebras Ossis Sacri. Sic in cæteris, inquirendus est locus, quo nervi exoriuntur, qui ad partem paralyticam deferuntur. Hæc à Riverio.

Vide Linim. Paralyt.

Oleum Rhabarbari.

℞. Ol. Amygd. dulc. Rhabarb. pulv. ā q. v. Fiat. stratum super stratum in olla, digerantur per noctem tepidè; dein prælo fortiter exprimatur Oleum colore aureum.

Hiddelburgi frequenter (prout audiui) usurpatur ad Colicam, Dysenteriam, & Vermes. Infanti dant ʒss. Nunquam ipse quidem in usum
ad-

adhuc duxi, sed quia singulare videtur, omittere nolui.

Oleum Stictum.

R. Ol. Terebint. Tinct. Myrr. ā ʒij. Ol. Cerae ʒj. Euphorb. ʒss. m.

Si vena pertusa, Tendo vel Nervus subjacens læsus fuerit; illico foramini (sæpius ne quidem Lynceo observabili) imponatur plumaceolum hoc oleo madefactum; huic imponatur plumaceolum siccum; mox spatula ignita applicetur, ut calor & vis remedii ad interiora læsa deferratur: hæc inustione peractâ, plumaceolum Unguento Basilico inunctum (priore remoto) admoveatur, huic Emplastrum Sticticum superponatur. In hujus verò remedii applicatione, magni refert, ut ritè perpendatur qualis caloris & siccitatis gradus parti læsæ congruat; si enim exindè multum ingruat inflammatio, labiaque vulnuscule turgida & exsiccata conspiciantur, medicamentum nimis esse forte judicandum erit; atque tunc pars embrocari cum Ol. Rosarum; posteaque admoveri Cataplasma Liliaceum expediet.

Oxymel. Asthmatici ʒij.

R. Rad. Zedoar. ʒj. Coq. in Aq. font. ʒij, ad ʒbiss. Col. adde Gum. Ammon. (in Aceti ʒiv. dissoluti) ʒj. Col. adde Mellis ʒiv. Coque, despumâ, & cola.

Hoc Domini & Doctoris J. F. (nuperi Authoris) experimentum contra Orthopnæam, & Asthma, Pulmonum infarctus expedit: eorumque tonum stabilit. Dentur Cochl. iij. manè & vesperi per menses aliquot.

Oxymel Chalybeatum.

R. Aq. ʒbss. Mellis ʒij. Coq. igne lento ad des-

pumationem : deinde adde Aceti Chalybeati (suprà descripti) ℥ss. Percoque dum Syrupi consistentiam acquirat.

Oxymel de Peto.

℞. Fol. Peti (puly. & nodulo inclus.) ℥iss. Agar. (in nodulo) Glycyr. añ ℥j. Sennæ, Passul. sol. añ ℥ij. Aceti ℥iv. Coq. ad ℥biss. sub finem addendo Thymi, Hyssopi añ M. ij. Sem. Anisi ℥ss. Garyoph. ℥iij. Col. clarificatæ adde Mellis ℥biss. & percoquatur ad consistentiam debitam.

Ufu postulante (inquit Quercetanus, qui Oxymel de Peto quoddam concinnavit operosius, cujus hoc videtur Epitome præbet cochlearia aliquot, vel per se, vel cum aliqua Aqua Pectorali.

Sanè Medicamentum hoc optimè & validè purgat, è toto corpore, è Thorace, & Ventriculo, pravorum humorum saburram; & cluuiem exhaurit, detergit, & extirpat. Asthmaticis accommodatissimum; & maximè peculiare est.

In ejus usu Cautione & Diorismo opus est, augenda enim vel minuenda dosis pro ægrorum ætate, & viribus. Aliquando (ratione Peti) Vomitus ciet. Sed alia Purgantia, quæ admittentur cum Aceto (quod primas dotes in corrigendo, & demulcendo obtinet) vehementiam ejus remittunt; & eorum ope, præstantissimum, & efficacissimum remedium constituunt, ad pituitosos Thoracis & Ventriculi Affectus. Hæc ille.

Oxymel Purgans Pectorale.

℞. Passul. sol. exacin. Rad. Ireos Florent. añ ℥j. Rad. Enulæ, Calami arom. añ ℥ss. Sennæ ℥ij. Agar. ℥ss. Herb. Marrub. albi, Satureiæ, Hyssopi,

pi, Hed. terr. añ M. j. Zinzib. ʒiij. Nicotianæ ficc. ʒj. Aq. font. ʒbijs. Aceti ʒbs. Coq. ad ʒbj. sub finem adjiciendo Sem. Anisi ʒij. Cöl. addè Mellis ʒbj. Coq. iterum ad consistentiam, diligenter depumando.

Pituitam crassam tenacem, in Visceribus, Pulmonibus, vel Habitu Corporis delitescentem, varias Obstructiones, Diathesinque Oedematofam, Catarrhosam, Phthificam, Paralyticamve inducendam, potenter attenuat, exturbat, & eliminat. Dos. ʒiij. manè, singulis vel alternis diebus, pro re nata.

Passulæ Anthelmintica.

℞. Uvar. Passul. Corinth. (à fæcibus perpurgat.) ʒbs. Rhabarb. (radulâ rasi, & linteo raro laxè ligati) ʒss. Corallinæ (pulv. & nod. inclusæ) ʒj. Aq. Portulacæ ʒiv. Ponantur in Olla fictili vitreata; pasta contegantur, in furno (post panes extractos) coquantur, dum Passulæ turgescant, & emolliantur. Cap. Puer. cochl. j. manè per aliquot dies.

Passulæ Laxativa.

℞. Sennæ (à stipitibus repurgatæ, & fractæ) ʒiv. Bac. Junip. (contus. & telâ rarâ ligat.) ʒij. Vini albi, Aq. font. añ ʒbj. Fiat Infusio calida, clausaque sex horas; col. subfidendo depuratæ addè Passul. Corinth. (mundat.) ʒbj. Coq. super lenem focum, dum turgescant, & emolliantur: deindè cum liquore (per incerniculum, sine expressione, transmissio) & Sacchari pari pondere paretur Syrupus tenuis, sub finem coctionis addendo Rad. Zinzib. Sem. Coriand. ā ʒij. Denique Syrupus iste col. affundatur supra Passulas dictas, & usui simul recondantur.

Mannæ ʒiv. adhiberi possunt: sed tunc Sacchari quantitas minor expetetur. Dos.